

H. xxv. a.
19

10278/P

DISPUTATIO MEDICO-CHIRURGICA

INAUGURALIS

DE

CAPITIS INJURIIS.

DISPUTATIO MEDICO-CHIRURGICA
 INAUGURALIS
 DE
 CAPITIS INJURIIS;

QUAM,

ANNUENTE SUMMO NUMINE,

EX AUCTORITATE REVERENDI ADMODUM VIRI

D. GEORGII BAIRD, SS. T. P.

ACADEMIÆ EDINBURGENÆ PRÆFECTI;

NECNON

AMPLISSIMI SENATUS ACADEMICI CONSENSU, ET

NOBILISSIMÆ FACULTATIS MEDICÆ DECRETO;

PRO

GRADU DOCTORIS,

SUMMISQUE IN MEDICINA HONORIBUS AC PRIVILEGIIS

RITE ET LEGITIME CONSEQUENDIS;

ERUDITORUM EXAMINI SUBJICIT

THOMAS ASKHAM,

ANGLUS:

SOCIET. REG. MED. EDIN. SOC. EXTR.

Ad diem 24. Junii, horâ locoque solitis.

EDINBURGI:

EXCUDEBANT ADAMUS NEILL ET SOCIJ.

MDCCCL.



PATRUO SUO,

PRO

AMORE ET CONSILIIS

BENEFICIISQUE

ACCEPTIS,

HOC OPUSCULUM,

GRATI ANIMI PIGNUS,

DICAT

AUCTOR.



Digitized by the Internet Archive
in 2018 with funding from
Wellcome Library

<https://archive.org/details/b30382841>

DISPUTATIO MEDICA
INAUGURALIS
DE
CAPITIS INJURIIS.

MORBORUM, quibus, infirmitate naturæ, fragile genus hominum obnoxium est, licèt nonnulli frequentiores sint, pauci tamen periculosiores sunt, aut citiùs vitam extinguunt, quàm illi ex violentia capiti admota devenientes; de quibus nobis est consilium pauca scribere.

“ Nullum capitis vulnus contemnendum” est: sed omnia tractare, limites opusculo nostro præscriptos longè transgrediretur.

A

Quapropter,

Quapropter, de iis tantùm, quæ symptomatibus læsioni cerebri propriis comitantur, quorumque ut certiores fierent, et medicis, et ægrotantibus maximè refert, differere in animo est.

Hæ affectiones, instrumentis, figurâ et mole variis, et violentiâ capiti illatis, vel eminùs projectis; præcipitatione corporis de altitudine, vel quâcunque causâ, quæ caput violenter commoveat, inducuntur. Diverſa has causas citiùs feriusve sequantur: Quæ statim, vel brevi pòſt accedunt, Apoplexiæ Traumaticæ celi. CULLEN respondent; quæ poſt intervallum longius, ad inflammationem cerebri, vel membranarum id cingentium, potiſſimè referri poſſunt. De illa primùm, poſtea de hac, diſputare propositum est.

In apoplexia traumatica, pauca, vel plura symptomatum, poſthac enumerandorum, ægrotantem ſimul afficiant, quando vulnus externum haud ultra capitis tegumenta pervadit; vel fracturæ ſimplici cranii, vel hujus fracturæ et depreſſioni, conjungantur. Aut eadem ſymptomata, ſanguinis vel ſeri intra cranium extravafationi adneſcentur; quæ

quæ materies effusa, vel os inter et duram matrem sita sit; vel inter hanc membranam et piam matrem; vel in ventriculis; vel in substantia ipsa cerebri. Causa excitans quemvis solùm, vel omnes partium cranio circumdatorum affectus supradictos conjunctim ducat, qui variis modis terminari possint. In aliis conditionibus, illa ipsa indicia morbi et eventus causam excitantem consequuntur; sed, neque dum vivat æger, neque post mortem, fractura, depressio, aut extravasatio discerni potest.

Propter hunc diversum statum partium quæ cranio circumdantur, auctores apoplexiæ traumaticæ species duas descripserunt: Compressionem, scilicet, et Concussionem. Hæc omnes casus comprehendit, in quibus symptomata a commotu cerebri oriuntur, et in quibus, neque depressio ossis, neque extravasatio, neque illius organi ulla læsio, dissectione discerni possunt. Ad compressionem referuntur casus, in quibus causa aliqua, an os depressum, an quid effusum, observatur, quæ capacitatem cranii minuat; quæque mechanicè

chanicè symptomata comitantia excitare putantur.

Nonnulli auctores apoplexiam traumaticam in species plures, ceu symptomata fracturâ, vel depreffione, vel extravasatione comitata, vel a commotu orta, distinxerunt. Tot divisiones, verò, haud necessariae sunt; nam ossis disjunctio sola, symptomata apoplexiæ nequaquam inducere potest: fissura igitur, vel fractura cranii simplex, quæ his symptomatibus sectatur, ad concussionem referri debet; et depreffio, atque extravasatio, quippè quæ, eodem modo mechanico symptomata commovere putantur, ad eandem speciem propriè attinent. Distributionem igitur in duas species, quod magis proprium fit, hîc sequi volumus.

DE COMPRESSIONE.

STRICTIÙS dicere, Compressio fortasse verbum haud idoneum est; nam experimenta celi. MONRO, volumen cerebri pressurâ haud
minui

minui posse, docent. Cranium igitur semper per vitam pariter impletur, et quicquid extraneum ejus cavitatem occupat, ex altera parte parvam molem exprimit. Hoc autem intellecto, hoc verbo, sine incommodo ullo, uti liceat.

Symptomata, quæ ferè ad hanc affectionem pertinere dicuntur, sunt; vertigo, dolor capitis, nausea, vomitus: oculorum hebetudo, vel visus privatio; pupillæ, etiam in luce vivida, dilatæ: stupor, coma; motus voluntarii privatio: respiratio difficilis et frequentius stertore apoplëcticâ comitata; pulsus oppressus, sæpe inæqualis: tremores musculorum partiales; convulsiones; paralyfis; stercoreis et urinæ dejectio non voluntaria. Hæc, in modo et gradu varia, diversis conditionibus conjungantur; pauca ex levibus, vel plura ex gravissimis, adsint; vel quævis notarum enumeratarum pro re nata desit.

Nonnulla alia symptomata, anormia, ceu sanguinis ex vasis nasi, oculorum, auriumve fluxus, &c. nonnunquam enumerantur: supradicta

prædicta autem sunt primaria : pulsûs etiam firmitas, frequentia, et irregularitas, variant ; et respiratio, in hominibus diversis, magis minusve de flatu naturali discedit.

Spatium temporis, quod inter injuriam illatam, et symptomata interfit, eorum progressus et finis æquè variant. Aliquando primum levia, gradatim ingravescent ; frequenter subitò, et magna cum violentia accedunt ; et haud rarò post intervallum, quod speciem sanitatis præ se tulit, invadunt. Citò, vel sponte decedunt, vel vitam tollant, vel ad inflammationem tendant ; vel diutius persistent, et iisdem modis desinent.

DE CONCUSSIONE.

DE signis ConcuSSIONI propriis, medici, illis exceptis, qui alii ab aliis transcripisse videntur, haudquaquam consentiunt. Omnes fatentur, compressionem et concuSSIONem simillimas esse ; et ab omnibus concessum est, notas omninò easdem nonnunquam adesse. Quisquis

quis auctor, verò, pauca symptomata concussioni præcipuè ascribit.

Alius (A) putat, concussionem præsertim indicari, pulsu tardo, pleno, et molli, vel qui sanguinis detractionem ferre non potest; respiratione naturali, et haud stertore comitatâ, dum symptomata cætera, eadem sunt, quæ compressionem comitantur. Alius (B) quidam, pulsum esse intermittentem, sensum et motum voluntarium minùs turbari, et pupillas in concussione magis contrahi, quàm in compressione, censet. Tertio (C) est sententia, utrique affectui symptomata omninò esse eadem, tamen medelam diversam adhibendam. Medici alii (D), ab his et inter se, de concussionis notis haud minùs discrepant.

Quæcunque

(A) Dom. B. BELL.

(B) Dom. ABERNETHY.

(C) Dom. J. BELL.

(D) POTT, LATTA, &c.

Quæcunque tamen symptomata concussioni adsint, fatendum est omnibus, progressum eorum et eventum, æquè dubios et abnormes, ac compressionis, et fortassè haud minùs lethales esse.

DIAGNOSIS.

COMPRESSIONEM inter et Concussionem per signa comitantia dignoscere, medici quàm maximè cupiverunt; alii ut operationem ingratam vitarent; alii ut medelâ aliis modis diversâ uterentur. Illa de causa, magnopere desiderandum est, an ob hanc, in divisione hujus tentaminis sequente disputetur.

Quum autem, de symptomatibus concussionis omnes inter se discrepant, nullam distinctionem adesse manifestè apparet: multaque signorum, quæ hanc affectionem frequentius et præcipuè indicare dicuntur, aut naturâ adeò ambigua sunt, aut in hominibus eodem morbo laborantibus adeò disparia, ut quamvis sæpiùs existent, iis parùm fidei tribui

bui potest. Secundum scriptorem quemque, ne ullum signum unicum, neque signorum numerum certum omnibus concussionis exemplis adesse; et omnia compressionis, haud rarò comitari videtur. Compressio cerebri ulla, vel omnia graviora signorum enumeratorum inducat; et omnes violentiæ gradus, a levi vertigine, vel capitis dolore, usque ad sensûs et motûs voluntarii privationem, ad vitalium functionum oppressionem, et ægrotantis necem, concussioni superveniant.

Natura etiam symptomatum, distinctionem inter hos morbos non posse indicari, demonstrat. Nam omnia, in gradu aut modificatione, eidem morbo adsunt; omnia ex aliis apoplexiæ speciebus deveniunt. In his, sensûs et motûs voluntarii, et organorum vitalium munera, diversis in hominibus, variis modis perturbantur.

Quando os deprimitur, causa morbi ita manifesta, ut non ampliore investigatione opus esse putatur: quapropter, cùm discernere inter extravasationem et concussionem tantùm necesse est, PETIT, LE DRAN, aliique, a tem-

pore quo symptomata superveniant, discretionem deducere quæfiverunt. Symptomata quæ statim post injuriam receptam accedunt, ex concussione; cùm autem, intervallum, majus minúsve interfit, aut signa, priùs leviora, postea graviora fiant, ex effusione provenire putaverunt.

Hæc observatio, quatenus valeat, ferè justa videtur; sed sæpius proposito parùm apta. Nam concussio quandoque priùs inducatur, et dum ejus symptomata permaneant, vasa sanguinem effundant: tempore verò, per quod fit effusio, non observato, ex quâ causâ symptomata persistentia pendeant, dignosci non potest. Aut extravasatio tam citò et copiosè oriatur, quàm symptomata gravissima inducat; aut eadem, a lamina ossis interna sejuncta et depressa, proveniant.

Imò, ubi spatium temporis distinctum, et bene observatum inter injuriam illatam et symptomata interveniet, non semper discrimen certum facit. Nam cl. MONRO, se exempla nonnulla hujusmodi vidisse, tamen post mortem, nullas depressionis aut effusionis no-

tas

tas dissectione observari posse, narrat. Plerumque tamen, symptomata, quæ post intervallum apparent, ab effusione devenire habeantur; et hoc signum existens rationem medendi aliquam præbeat; hujus absentia verò, minimè concussionem solam indicare valet.

Observationi supradictæ alteram Dominus ABERNETHY addit. Quando materies effusa inter duram matrem et cranium interposita est, communicatione vasorum inter os et membranam deletâ, os, vice coloris subfusci vel subrubri, albidius fieri, et vasa sua sanguinem non effundere, putat. Hæc etiam conditio rationem medendi dirigere, et ad usum cerebri hortari potest: minimè verò certum extravasationis indicium præbet; neque hujus absentia sanguinem inter os et duram matrem non jacere probat. Nam quamvis communicatio, inter vasa hujus membranæ et ossis, directâ disrupta sit, sanguis tamen ossi, vasis illi propriis et ubique inter se communicantibus, suppeditur; quam anastomosis ipse Dominus ABERNETHY nonnunquam existere fatetur. Præterea, vasa ossis, propter contusionem

sionem sibi ipsis illatam, ne quidem sanguinem effundant; ideóque, extravasationem præsentem minimè indicant.

Hæc sunt indicia primaria, quæ auctoribus eminentissimis enumerantur, quibus inter compressionem et concussionem discrimen fiat; sed quæ supradicta sunt, ea nihil ad rem pertinere, manifestè indicant. Hæc res majore diligentia digna est, quum medici istis discriminis incertis notis freti, medicamenta non modò diversis, sed etiam virtutibus contrariis pollementia, commendârunt: et certè, scire nullam, nisi ab eventu, distinctionem indubiam obtineri posse, multò melius est, quàm indicis incertis confidere, quæ ad medelam fortasse nocentem ducant.

Quanquam inter compressionem et concussionem, haudquaquam eas ab aliis apoplexiæ speciebus, distinguere difficile est. In conditionibus ferè omnibus apoplexiæ traumaticæ, causa excitans vel admoveri observatur, vel injuriæ notæ externæ naturam morbi indicant. His tamen non existentibus, historia præterita malè se habentis, an a vitæ
more,

more, aut corporis temperamento apoplexiæ, sanguineæ vel serosæ, obnoxii; an epilepsiæ vel aliis morbis convulsivis affueti; situs etiam corporis, an vaporibus noxiis obiecti, an ebrietate affecti, plerumque aut semper causam morbi ostendere valent.

Symptomata febriculosa, phrenitidi propria et posthac enumeranda, inflammationem cerebri, vel membranarum id cingentium, comitantur: paululum observationis, ideoque, inter hanc affectionem et apoplexiam traumaticam discrimen facillimè indicabit.

PROGNOSIS.

MAGNI sæpe est momenti, sæpius autem haud minoris difficultatis, de natura et eventu morbi rectè opinari. Maxima dubitatio semper hæc mala comitatur; nam symptomatum violentia frequenter relationem injuriæ apertæ nullam gerit. Symptomata levissima, vel minimè metuenda, nonnunquam injurias,
primâ

primâ facie diras comitantur ; aliquando his omnibus contraria. Quandoque homines symptomatibus gravissimis afflicti celeriter et contra spem convalescunt : Nonnulli verò, specie sanitatis reductæ, subitò in valetudine iterum ingravescunt, et citò pereunt : Alii autem, symptomatibus primùm levibus afficiuntur, quæ tamen gradatim ingravescunt, medicamentis omnibus obsistunt, et demum vitam extinguunt. Quapropter prædicere cum circumspectione necesse est.

Attamen, quando symptomata sunt levia, aut ex gravioribus sponte mitiora fiunt, vel remediis adhibitis sublevantur, spes est eventûs felicitis. Hebdomadâ secundâ vel tertiâ præteritâ, absque inflammationis accessu, expectationes faustiores præbentur ; nam, quando inflammatio supervenit, intra diem decimum sextum plerumque accedit. E contrâ, conditiones his omnibus oppositæ prædictionem infaustiore dant.

Vulnera contusa, cæteris paribus, periculosissima sunt ; et concussio senioribus quàm junioribus funestior. Violentia ictûs ; aut
moles,

moles, et pondus, et forma instrumenti capiti illati ; aut altitudo, de qua decidit æger ; vel alii status causæ excitantis, quantum investigari possunt, aliquantulum respici fortasse debent : “ Protinùs considerandum est, lapide, an ligno, an ferro, an alio telo percussum sit, et hoc ipso levi an aspero, mediocri an vastiore, vehementer an leviter,” &c. (E).

Concussio cranii firmitati, et periculum concussioni, respondere putatæ sunt ; et hæc opinio, aliqua ex parte, justa fit. Dehinc causam excitantem magis curabant medici, præcipuè veteres, quàm ei debitum erat ; α nym fiducia perexiguâ digna est ; et quamvis de illa medici multò certiores essent, propter crasis diversitatem, opem parvum tantum daret ; æquè tamen difficile est, vim percussionis et cranii firmitatem relativam æstimare, ac eventum præscire.

DE

(E) CELSUS de Medicinâ, lib. viii. cap. 4.

DE RATIONE MEDENDI.

DE medela, quæ maximè fit idonea capitis injuriis, tam naturâ fitu et gradu ambiguis, multùm dubitationis necessariè adest. Consequentia tam diversæ de causa eadem, vel tam fimiles de causis diversis, provenientes, et quòd conditiones distinguere semper difficile, sæpe fieri haud potest, magna ambiguitas de modo medendi naturaliter producitur. His difficultatibus autem, aliàs haud parvi momenti medici addunt, qui sententias diversas ferunt, de medicamentis quæ eidem morbi conditioni administrari debent.

Quum symptomata compressionis et concussionis, altera ex causa cavitatem cranii mechanicè minuente, altera ex statu peculiari et haud intellecto cerebri, oriri putantur, rationes medendi diversas esse manifestè apparet. Huic operatio chirurgica sæpe necessaria fit, quæ alteræ superflua certè, fortasse noxia foret. Propter hanc causam, discrimi-

minatio

minatio morborum magnoperè desideranda est ; hæc autem non fieri potest : indicia tamen quæ ad usum medelarum quarundam et dirigere et auctoritatem dare sufficiant, sæpe præbentur.

Quibus remediis uti convenit, nunc dicendum est ; et ea, sub divisiones Compressionem et Concussionem, considerare volumus.

RATIO MEDENDI COMPRESSIONEM.

MEDELA compressioni propria est duplex : Generalis, de quâ medici ferè omnes inter se consentiunt ; Specialis, quæ diversis hominibus, et in conditionibus variis, varia habetur.

Specialis ex terebratione cerebri constat ; cujus munus est abducere vel sublevare partem ossis depressam, quæ symptomata comitantia excitet ; vel exitum sanguini aut aliæ materiei effusæ dare, qui simili modo eadem symptomata inducat. Depressionem ideóque et extravasationem simul considerare licet ; nam quod huic refert, ad alteram æquè pertinet.

Primum consilium medendi est causam excitantem sublevare. Verò quæ sit, frequenter non sciri potest, et nonnunquam homines haud levi depreffione, vel effusione adhuc affecti in sanitatem rediguntur. Igitur, quoniam terebratio cranii semper est ingrata, nonnunquam periculosa fortasse, haud parvi fit momenti conditiones notare, quibus uti debet.

Medici vehementes in utramque partem sunt nimis, et nimium commendare, aut nimium reprehendere remedia, quibus utentur, proni sunt. Nonnulli terebram ad omnes, nullis exceptis, injurias capitis admoveri suaserunt; et ad ejus usum nimis frequentem contulit Dominus POTT; qui eam laudavit non solum quâ tolleretur os depreffum, vel exitus sit fluidis effusis, sed etiam ut inflammationi venienti, quæ et dirus et haud infrequens est effectus vulnerorum capiti inflictorum, occurret. Cùm inflammationem levia vulnera sequi frequenter observâset, ex injuria vel deletionе vaforum illam procedere putavit. Ei erat sententia, quòd vasa, quæ
ex

ex durâ matre et pericranio per os transeunt, et ubique naturaliter inter se communicant, aut læsionem externæ parti inflictam ad internam transmittunt; vel si vasa, quæ os et duram matrem connectunt, dirupta fuerint, iis sic læsis inflammationem sponte supervenire. Hinc ad omne vulnus, vel fissurâ vel symptomatibus ullis haud gratis comitatum, terebram admoveri suavit.

Hæc sententia de inflammationis causâ frequenter fit iusta; multis verò conditionibus haudquaquam idonea. Sæpe a causis huic similibus devenire non observatur; sæpe a causâ diversâ oritur. Nam, ut Dominus DEASE observat, fontes in tegumentis capitis institutæ pericranium sæpe lædunt, aliquando irritant; nunquam verò inflammationem duræ matri inducunt. Sæpe etiam vasa ex toto delentur, uti cariei, aut nodis syphiliticis evenit; inflammatio tamen non invadit.

Si autem cli. POTT opinionem esse idoneam concederetur, operatio tamen proposito haud apta videtur. Nam an-ne ex laceratione vâ-forum, an ab expositione duræ matris, an ex ambobus,

ambobus, discrimen procedere putetur, hoc certè terebratio multùm augeret. Si operatio tam crebrè uteretur, sæpe sine neçessitate perfecta esset; nam ægrotantes multi citra perforationem cranii in sanitatem reficiuntur; et quamvis tam periculosa, quàm nonnulli æstimaverunt, minimè fit, aliquid tamen discriminis ex eâ provenire neceffe est.

Alii e contrà, paucos sine terebratione convalescere, aut nonnullos post operationem mori, observantes, huic malum imputaverunt, et, aut semper perniciosam, aut semper supervacuum habuerunt. Hæc opinio verò, hallucinatione haud minore, quàm altera, comitari videtur; et “*in medio tutissimus ibis.*” Nam quamvis pauca singularia et insolita sint exempla ægrorum, qui ex morbo ancipito convalescerunt, hæc tamen rationem medendi generalem movere haudquaquam debent. Si medela ex tali ratiocinatione penderet, multi morerentur, qui aliter convalescerent; et æquè justum foret, quia pauci post læsionem texturæ, vel post partis substantiæ cerebri privationem, in sanitatem redierunt, inferre, quòd
nullum

nullum discrimen hujus organi vùlnera comitatur.

Terebratio cranii, haud dubio, miseris succurrere frequenter nequeat, quin remedium est solum, et haud rarò symptomatibus, quando ex effusione, vel ossè depresso oriuntur, sublevare valet; et certè fuit causa vitam conservandi multis. POTT ait, “ I am as well
“ satisfied of this, as of any other truth that
“ repeated experience may have taught me:” et quamvis multi post injurias haud leves capiti illatas pereunt; hoc tamen, uti videtur, potiùs ad naturam morbi referri debet, quàm remediorum usitatorum culpam. Aliarum specierum apoplexiæ exempla multò numerosiora, CULLEN cl^o. testante, lethalia sunt.

Terebrationem cranii ideóque nonnunquam esse idoneam haud dubitari potest: conditiones, quibus uti debet, monstrare multò difficilius, sæpe impossibile est.

Ægroti quidam sine operatione convaluerunt; alii facti fuerunt sani post terebrationem, alii mortui sunt: aliquando symptomata de causis in specie levibus procedunt; nonnunquam

nunquam vulnera primâ facie dira, symptomata nulla gravia excitant: Et, si chirurgus medelâ, quam maximè securam vel cautam putet, uteretur, putà terebram capiti admove-
ret, fit supervacua; et si ægrotans revalescat, chirurgus nunquam sciet, an ufui vel quanti operatio fuerit.

Cùm ita difficile sit naturam morbi dignoscere, et remèdiorum efficaciam certam æstimare; hinc evenit, quòd medicorum experientia, rationes ^{his} ~~harum~~ ^{is} ~~injuriarum~~ medendi, ad paucas et simplices regulas redigere non valet: hinc medicorum discrepationes multæ.

Multùm igitur arbitrio medici semper committi necesse est. Aliquid tamen consilium medendi est formandum; et quoniam injuria aperta nullum indicium fide dignum præbere potest, ex symptomatibus comitantibus deducendum est. Hoc desideratum obtinere fortasse conferat, si conditiones ægrotantium in series tres sequentes distribuuntur, et sub illis tractentur.

Prima divisio morbos, qui vel symptomatibus levissimis comitantur, vel symptomatibus,
quæ

quæ citò leviora fiunt, et gradatim discedunt, comprehendit.

Medici eminentissimi plerique nunc consentiunt, terebrationem cranii pro conditionibus talibus vix necessariam, fortasse supervacuam, vel perniciosam fore. Quoniam æger melius se habet, sperandum est illum medelâ generali, quæ posthac describitur, in sanitatem resectum iri: et certè ineptum foret conari operatione haud discriminis immuni occurrere morbo, cujus accessus non præsciri potest, quique ut non accedat, omnia indicia fidem faciunt. Causam aliquam extare, quæ malum futurum excitare potest, reverà contingat; sed scire talem causam adesse, aut si adsit, talem eventum producturum esse, æquè difficile est, ac his contraria præscire. Si spicula ossis abrumpatur, et si irritationem mechanicè excitet, sine dubio amoveri debet: At quamvis cerebrum prematur, si causa facultate irritandi careat, non facilè potest concipi pressuram solam, quæ, quo tempore admoveatur, nihil mali inducit, postea periculum trahere,

here, quando cerebrum se figuræ mutatæ partium circumdantium aptaverit.

Secunda divisio conditiones symptomatibus ingravescentibus comitatas continet. An hîc terebratione uti liceat, parùm dubitationis aderit. Quando symptomata subitò accedunt, an sint gravia, an primùm leviora, si graviora fiant; vel si post intervallum bonæ valetudinis accesserint, terebra parti læsæ admovenda est. Profectò accidere potest, illa de concussione, quæ ad eventum funestum tendit, procedere; vel status sit ex iis, quos cl. MONRO observavit: Tales verò conditiones haud frequenter eveniunt, et maxima est probabilitas symptomata ex aliâ causâ quàm commotu oriri. Probabiliter ex effusione deveniunt, saltem causa altera monstrari non potest: propterea remedio solo, quod nobis in potestate est, uti debet.

Tertiæ divisioni referunt morbi, qui symptomatibus, quæ neque leviora fiunt, neque in deterius ruunt, quæque protinùs ab injuriâ receptâ accesserunt, comitantur. Horum natura, an ad compressionem, an ad concussionem

nem attineant, nota non fieri potest. Confilia tamen in animo sunt versanda, quæ ad remedium quorundam usum dirigant, quæque medelæ comprobatæ auctoritatem dent. Huic proposito plures observationes, quarum mentio sub diagnosi facta est, multum infervient.

Quando os est sanum ; aut quamvis os parum deprimatur, aut naturâ albidius sit, et vasa ejus sanguinem non effundant ; dum symptomata minimè sint gravia, etsi diutius persistent, declinetur operatio ; saltem procrastinetur. E contrâ, si os multum diprimatur, aut latè sit decolor, et vasa sua per hoc spatium sanguinem non effundant ; si symptomata sint gravia et medelâ aliquâ efficace citò uti requirant ; præcipuè si sanguinis destructio et alia remedia frustrâ sint, ad operationem statim decurrendum est.

Vis etiam causæ excitantis, an vasa sangui-fera intra cranium dirumpere valeat, æstimari quantum possit, fortasse debet. Præterea aliquantulum pro fit ætatem ægrotantis considerare ; nam, cæteris paribus, cranium te-

nuius et fragilius est senioribus, quàm junioribus.

Huic modo de terebræ applicatione iudicandi, quum temporis quoddam spatium intervenire necesse est, fortasse objiciatur, ut per intervallum causa futuri mali darètur. Hoc quidem evenire potest, sed operationem haud discriminis immunem sine consilio instituere, reprehensione dignum foret ; quam vitare, vel indicia alia medendi obtinere, mora brevis occasionem dat. Præterea, quòd cerebrum se conditioni novæ aptet, æquè evenire potest ; et exempla multa recordantur, quibus post symptomata gravissima, et depressione magnâ adhuc persistente, ægroti se bene habuerunt.

Moræ spatium non designari potest ; ex naturâ morbi et arbitrio medici varium fiet : quando injuria est magna et symptomata gravia, brevius ; quando leviora sunt, longius erit : et non rarò intervallum, quod ad rem sat erit, elabitur, antequam chirurgus operationem instituere potest. Dum operatio moritur, æger summâ diligentia observari debet ;

bet ; et si symptomata mutationem felicem subeant, operationem diutiùs differereⁿ, vel ex toto declinare hortatur ; si unquam in deterius tendant, terebra statim admoveri potest.

Etiam sub hæc consilia, cranium vel sine causâ, vel ubi morbi sedes extra terebræ tractum jacet, perforetur. Hæ conditiones autem dignosci vel præsciri minimè possunt, et operatione utendum est, quippe quæ solum remedium sit ad causam tollendam, quæ plerumque adest.

Considerationes supradictæ, an terebratio uti debet, indicare ferè sufficient. Certa fides autem non obtineri potest, et nonnunquam, rarissimè verò, indicia primaria defunt. Rebus sic stantibus, ad operationem decurrendum est ; et reverà pro lege habeatur, *in omni casu dubio, præsertim si signa gravia adsint, terebratio instituatur* ; nam quamvis operatio, aliquid discriminis ducat, de eâ tamen multò minùs periculi proveniet, quàm de causâ excitante persistente, quæ æquè probabiliter adesse ac deesse potest.

Quando

Quando cranio perforare decretum est, operatio secundum artem perficiatur; os depressum levetur; spiculæ aut fragmenta ab osse disjuncta, et materies quævis inter cranium et duram matrem effusa, et omne corpus extraneum, quod adsit, amoveantur. Si nulla harum conditionum existet, notetur dura mater; et si turgeat, vel distendi videatur, et decolor, seu ex fluida subjacente et translucente, appareat, incidatur membrana, quod exitus, si quid sit effusum, ei præbeatur. Hoc haud temerè et sine consilio fieri debet; tamen ubi incisione opus sit, ex illâ abstinere minimè licet: et POTT atque GOOCH historias ægrotorum plures memorant, qui hoc modo in salutem resecti fuerunt.

Si operatio ægrotanti succurrat, fat est; si verò symptomata haudquaquam subleventur, eadem consilia deinde in animo sunt versanda, an iterum terebra ad partem alteram capitis admoveri debet: quæ operatio secundum rationem vel repetatur, vel declinetur. Ab operatione iterandâ si abstineatur, medellæ generali reponendum est.

Observationes

Observationes supradictæ ad conditiones tantum referunt, quæ vel vulnus apertum, vel tumorem elasticum vel discolorationem habent, quo pars, cui causa excitans illata fuit, indicatur. Huic parti terebra admoveri debet, nam causa morbi hîc plerumque fedet; sed non omninò: effusio enim aut depressio ad aliam capitis partem fieri potest, et instrumento illi regioni admoto, causa, quæ quæritur, non invenietur. Nonnunquam etiam corpus ab altitudine decidens parti aliquæ quàm capiti impingit; et commotu vasa intra cranium dirumpantur, et sanguis effundatur: idem eventus etiam ab ictu deveniat, sed ex observatione maximè accuratâ et attentâ nullum injuriæ vestigium observari potest. Capillamentum deinde abradendum est, et caput variis partibus premendum; nam chirurgi bonæ famæ narrant, facultatem sentiendi, quæ ægrotanti adhuc restabat, situm injuriæ indicavisse, quando nulla alia ratio aderat.

Si hic modus indicium præbere non valeat

“ to perforate every accessible part of the
 “ skull till the cause of the depression be dis-
 “ covered,”

“covered (F),” minimè suadendum est. Nam symptomata ex concussione solâ, quando nulla causa comprimens adfit, procedere possunt. Aut si extravasatio adesset, hanc per terebrationum numerum modicum reperiri posse haud verisimile est. Nec amotio partis cranii juxta basin, quam suavit idem auctor, spem multam boni eventûs præberet; nisi faustè chirurgus parti propriæ incideret, aut dura mater a parte diffitâ usque ad basin ex cranio disjuncta esset, aut materies effusa inter piam et duram matrem jaceret. Rebus sic stantibus ideoque, medelæ generali confidere præstat.

Auctores sæpe *contra-fissuræ* mentionem faciunt, quæ sine dubio nonnunquam inducitur. Hanc conditionem autem discriminandi, nullæ rationes dicuntur; neque ullas, nisi tumor elasticus fortasse, vel decoloratio, adesse videtur. Alius auctor (G) scribit, “If we have
“ reason

(F) Vid. B. BELL, *Surgery*.

(G) LATTA.

“ reason to suppose there is a counterfissure,
“ we must make an incision down to the
“ part ;” sed rationes, quæ hanc sententiam
præbere valeant, non enumerat. Modus hos
casus medendi, planè idem est, et istis reme-
dia eadem administrari debent, quæ illis, de
quibus supradictum est: et quando fissura
ossis sola adest, nisi inflammationem, quæ fa-
cilè symptomatibus dignoscatur, excitet, nul-
lum malum ex illâ devenire potest.

RATIO GENERALIS MEDENDI COMPRESSIONEM.

REMEDIA generalia nunc enumeranda, æ-
què sunt propria, priusquam ac postquam te-
rebratio perficiatur, ac ubi operatio ex toto
declinetur: et de eorum utilitate ad compres-
sionem succurrendam medici ferè omnes con-
sentiunt.

Detractio sanguinis, et generalis et topica,
tam copiosè, quàm symptomata indicent, aut
vires

vires ægri ferant, fieri debet ; pro re natâ repetenda.

Hæc vim circulationis atque frequentiam actionum cordis et arteriarum moderari ; et quantitatem sanguinis ad caput missam, et velocitatem, quâ propellitur, minuere ufui foret. Nonnulli quidem illam amovendam congestionem, et molem sanguinis intra cranium minuendam, putaverunt. Cerebrum autem, secundum cl^m. MONRO, non comprimi potest, et ex legibus *hydrostaticis* cranium semper esse æquè plenum manifestum est : Quapropter sanguinis detractio tantum prodest, quippe quæ velocitatem, et impetum, et circulationis frequentiam, minuat. Illo modo tamen, plurimi commodi erit ad inflammationem venientem, quæ sæpe accedit et multum periculi ducit, occurrendam ; etiamque vitandum incommoda, quæ, tali conditione perturbatâ, probabiliter ex circulatione violentâ oriuntur.

Medicamenta cathartica, eodem ferè modo ac sanguinis detractio, utilia fieri videntur. Draastica, vasa sanguifera plurimum deplent,
vim

vim circulationis minuant, et caput, ut facies pallida, languor, &c. per eorum actionem manifestant, potissimè afficiunt. Administrari debent et repeti, uti symptomata requirant, aut vires ferant; et ad conditiones quasdam fortasse, quàm sanguinis detractio, aptiora sunt.

Emetica quidam medici commendârunt; sed inter agendum sanguinem ad caput copiosè et vehementer propellunt: Quapropter, cautissimè, si unquam, administrari debent; eorum autem usum ex toto declinari fortasse præstat.

Sudorificorum usum chirurgi plures multùm suaserunt. Hæc utilia fieri possunt; nam e vasis exhauriunt fluida, circulationem ad superficiem corporis externam præcipuè dirigunt, ideóque quantitatem sanguinis per caput transmissam minuunt, et multùm ad inflammationem occurrendam profunt. Quoniam verò usui catharticatorum non congruunt, et quoniam hæc magis valere videntur, sudorifica potius declinenda sunt.

E

Vesicatoria

Vesicatoria compressionis symptomata sublevare, etiamque inflammationem prævertere, plurimum juvant: Quapropter ampla fiant, et capiti admoveantur; nam qualicunque ratione prodesse putentur, chirurgi ferè omnes illa commoda esse consentiunt.

Dum morbus persistet, remedia refrigerantia adhiberi debent, et ad vomitum violentem sublevandum haustus effervescentes præcipuè apti sunt.

Dieta sit levissima, parca, et potissimè ex vegetabilibus confecta; et curetur vulnus secundum artem.

RATIO MEDENDI CONCUSSIONEM.

In sectione quâdam priori hujus tentaminis, nullum discrimen, nisi ab eventu, inter compressionem et concussionem adesse contenditur. Si ratio ista justa sit, medelam eandem utrisque idoneam esse manifestè apparet: ideóque si remedia supradicta compressioni

pressioni commoda sint, plura de concussione loqui haud necessarium est. Chirurghi autem medelam huic et illæ diversam suaserunt; ideóque, si argumentationis causâ illas distinguere posse concedatur, quanti prodest hæc medela, et quibus rationibus commendatur, perpendere haud inutile erit.

Quum Dominus B. BELL talem medelam primus suavit, observationes, quæ sequuntur, ad ejus consilia præcipuè pertinent. De commodo terebrationis dicens, addit: “ When
“ the symptoms for which the trepan was
“ applied are all evidently mitigated imme-
“ diately on the depression of the skull being
“ removed, and if the patient in the course of
“ a few hours is still more remarkably relie-
“ ved, there will be much cause to hope that
“ he will do well without any other remedy
“ being employed; and that quietness, keep-
“ ing an open belly, and avoiding every cause
“ of inflammation, will at last effect a com-
“ plete cure: But when the contrary of this
“ occurs, as is too frequently the case, and
“ when the symptoms remain equally for-
“ midable

“midable after the operation as they were
“before, and especially if they do not be-
“come more moderate in the course of a few
“hours after the patient is laid to rest; re-
“medies of a different kind are then to be
“administered.” Confiliorum mutatio subi-
ta et extraordinaria certe! quæque in ple-
risque conditionibus gravibus, si horarum pau-
carum spatium præscriptum esset, reddi eve-
niret.

Propter dissectiones nonnullas ex concus-
sione mortuorum, quibus nullum inflamma-
tionis vestigium discerni potuit, concussionem
et inflammationem naturâ esse contrarias pu-
tat, et hanc opinionem, quoniam nonnullæ
pulsûs conditiones sanguinis missionem non
ferre possunt, pro ratâ habet. Deinceps con-
cussionem syncope esse similem credit, et re-
media cardiaca et stimulantia præscribit.

Præmissa hæc verò, consequentibus mi-
nimè auctoritatem dant. Concussio et syn-
cope admodum inter se discrepant, præcipuè
de actione cordis et arteriarum. Symptoma-
ta concussionis de ictu electrico, aut temu-
lentiâ

lentiâ etiam procedunt; nemini verò in animo esset, hos morbos eodem modo ac syncope tractare, aut ebrio stimulantia administrare.

Propterea quòd inflammatio non concussionem supervenit, illas naturâ esse contrarias minimè consequitur. Nam inflammatio rarissimè, postquam injuria illata est, statim invadit cerebrum; ferè breve longiusve tempus intervenit; et quando concussio lethalis est, vitam plerumque extinguit ante tempus, quo inflammatio solenniter accedit.

Pulsus est signum adhuc magis ambiguum: nam diversis in hominibus ullo morbo laborantibus plurimùm variat; et observari necesse est conditiones morborum, qui ferè et sanguinis detractionem indicant, et exigunt, nonnunquam illam sufferre non posse.

Malum unum vitare, et in contrarium decurrere multùm differt; ideòque quamvis æger sanguinis detractionem non ferat, stimulantia adhiberi haud necesse est. Etsi concussio syncope aliquantò similis sit, et huic stimulantia propria sint, eadem illæ etiam apta

ta fore minimè consequitur. Si cerebrum multùm perturbetur, stimulantia ulla, quæ tutè adhiberi possint, id movere vix eveniret: aut si valerent, munera hujus organi, ut sæpe in syncope contingit, sine eorum admotu restituta fuisse fortasse possent.

Syncope etiam nullis malorum eventuum, quibus injuriæ capitis comitantur, comitatur. In conditionibus quibus effusio aderat, postquam materies effusa amota est, si symptomata adhuc persistent, et consilia citata sequi propositum sit, quid eveniret? Effusio certè iterum fieri, fortasse augeri, posset. Quid si vasa intra cerebri substantiam rumpantur? vel si symptomata primùm a concussione deveniant, et dum persistent, effusio oriatur? Sanguine ex vasis effuso et eorum orificiis objecto, si circulationis impetus consiliis idoneis minuatur, ne effusio amplior accidat, fortasse provideret, et æger in sanitatem rediret. Stimulantia verò adhibita, circulationis impetum et effusionis quantitatem augerent, et vitam certè delerent.

Dominus

Dominus LATTÀ diagnosin, huic Domini B. BELL quàm maximè similem, dat; sed primo exemplo morbi, cujus historiam reddit, pulsus tardus, plenus et regularis, et respiratio naturalis haudquaquam stertore apoplecticâ comitata, aderant: Huic etiam symptomata post intervallum supervenerant, et dissectio sanguinis extravasationem tam copiosam patefecit, quam symptomata induxisse minimè dubitari potuit. Notas, quæ Dominus BELL concussioni proprias putat, haud fide minimâ esse dignas, et ex effusione devenire posse probat hoc exemplum. Certè, quaquâ medelâ puer tantùm mortuus esset, sed tali conditioni an speciem ullam opis stimulantia præbuisent?

Prætereà, quid capitis injurias tam periculosas facit? Cur terebratio deprecatur? Nihil aliud certè quin inflammatio, quæ his morbis subvenire maximè prona est.

POTT, aliique, conditiones multas descripserunt, quibus symptomata aut levissima erant, aut citò discesserant; medicamentis et dietâ refrigerantibus, rigidè adhibitis, inflammatio tamen successit. Harum omnes, saltem multas

tas conditiones esse concussionis, vertigine fortasse, vel capitis dolore, vel aliis symptomatibus levibus comitatas, necesse est. Inflammationem partium cranio circumdatarum non de concussione procedere, vasis verò læsis et extrà communicantibus excitari, forsan dicatur. Tamen Dominus DEASE historias plures narravit, quibus inflammatio, quando dura mater integra erat, et ubique cranio adhærebat, ægris invasit. Hæc exempla periculum inflammationis adfuturæ demonstrant; et si in conditionibus talibus stimulantia adhibita essent, symptomata probabiliter graviora fuissent, multique periissent, qui aliter convalescerunt: Fortasse etiam multis, qui absque inflammatione benè se habuerunt, talia consilia illam induxissent.

Quinetiam historiæ recordantur ægrotantium, quibus inflammatio statim symptomatibus apoplexiæ traumaticæ subveniebat, et quibus post mortem neque depressio, neque effusio, observari potuit. Hæ ad concussionem igitur referri debent; et sanè ut concussio inflammationem ducat, concipi haud difficile est.

est. Nam si ictus, vel commotus vasa intrà cranium, sine ossis fracturâ dirumpere possit; ictus levior, qui huic non sufficit, talem conditionem, qualis citiùs seriùsve ad inflammationem procedat, inducat. Partes aliæ hoc modo afficiuntur, et haud rarò injuriis diversis inflammatio ad damnum reficiendum subvenit. Medicamenta, quæ inflammationem cerebri, aut ejus membranarum, vel excitent, vel augeant, vel ejus communicationem extrinsecùs promoveant, æquè perniciofa erint.

His rationibus adjiciantur verba Domini ABERNETHY, “ That surgical books abound
“ with cases in which suitable evacuations
“ have been employed with the best effects in
“ concussion;” quibus omninò contraria evenirent, si positio Domini B. BELL consiliis bonis niteretur.

Circumspectis his omnibus, rationibusque subductis:

1mò, Ex periculo inducendi, vel augendi effusionem;

2dò, Ex periculo vel inflammationem, quæ
F sequeretur,

sequeretur, augendi, vel illam alioquin non superventuram excitandi ;

3tò, Ex positione ambiguâ, quâ stimulantium usus pendet ;

4tò, Ex bono eventu, qui medelam diversam et contrariam consecutus est ;

5tò, et suprâ omnia, Proptereâ quòd concussio et compressio minimè dignosci possunt, —medelam illam renunciari justum videtur.

Auctores, qui stimulantia commendârunt, si ægrotorum historias in medium protulissent, quos hæc remedia in sanitatem restituerant ; hanc medelam multò magis provexissent, quàm ullis rationibus, quas adhuc proposuerunt. Certè tales historiæ desiderandæ sunt, et fortasse utiles essent ; veruntamen quæ commodo sint paucis, multis nocere possent.

Quapropter remedia concussioni adhibenda, eadem ac compressioni sunt. Si pulsus tamen sanguinis detractionem non ferat, saltem declinari potest : et sanè rebus sic stantibus, neque circulationis impetus, neque actio vasorum intra cranium adaucta, neque quævis nota, quæ illam esse necessariam indicat, ad-

erit.

erit. Tametsi quivis morbus plerumque sanguinem copiosè detrahi exiget; medicus tamen in diversis morbi et crasis conditionibus, quantitatem eandem omnino et sine discrimine detrahendam minimè suaderet: neque pulsum solum, morbum, aliter quàm gradu forsan diversum, indicare putaret. Medela igitur concussioni, ex re et tempore, aptari debet.

Pro catharticiis, pro vesicatoriis, pro refrigerantibus et regimine, consilia eadem sunt huic et alteræ speciei apoplexiæ traumaticæ. Ideoque de remediis specialibus, nisi de sudorificis, non ampliùs hic dicendum est. Hæc omnia, et pulverem ipecacuanhæ compositum præcipuè, ad concussionem sublevandam multùm commendavit Dominus BROMFIELD: et secundum rationes antea dictas, haud inutilia esse videtur. Hunc utilem esse ex opio, quod inest, fertur; et hoc ad stimulantium utilitatem suadendum adducitur. BROMFIELD autem narrat illa præcipuè proficere in ipso tempore, quo sudor erumpet: et sudatio certè excitationis, aut exhilarationis

tionis status dicari non potest. Præterea, in istis casibus sanguinem detractum fuisse observandum est.

Hos morbos, de quibus jam dictum est, multæ et diræ sequelæ, ceu caries ossis, paralysis, fatuitas, mania, &c. consequuntur: Frequentissima autem, et haud minimi momenti, est cerebri et membranarum id cingentium inflammatio. De hac tantum, pauca subdicere in animo est: illas alibi potius considerari constat.

DE INFLAMMATIONE CEREBRI, &c.

INFLAMMATIO cerebri, vel ejus membranarum ex apoplexiâ traumaticâ oriatur: ex vulneribus multis etiam, quæ apoplexiæ symptomata nulla excitaverunt, induci potest. Structura tenera cerebri, et quod faciliter ei inflammatio accedit, multas ejus injurias, quamvis primâ facie leves, maximi momenti esse, causæ sunt. Ex levissimis, ac gravissimis

simis vulneribus sæpe oritur, et de utrisque æquè lethalis fiat: Hinc veritas HIPPOCRATIS observationis, “ Nullum capitis vulnus “ contemnendum ;” et POTT plures ex hâc causâ, quàm omnibus aliis conjunctim, mori putavit. Illius symptomata apoplexiâ facilè dignoscuntur: quæ primùm accedunt, sunt, dolor capitis ad partem cui injuria illata fuit, anorexia, rigores, vomendi cupiditas: languor et melancholia in vultu depicta est, et lassitudinis, tum corporis, tum animi, multùm adest: Dolor ingravescit, et gradatim per totum caput extendit, quasi cerebrum a fune arctè circumligatum sit: Æger inquietus, aut omnino insomnis est; aut si somno opprimatur, insomniis diris perturbatur: Pulsus frequens est et durus, cutis arida, lingua fusca: Facies rubescit; oculi turgescent et inflammantur: Nausea et vomitus augentur: et ad finem delirium et convulsiones oriuntur. Haud infrequenter erysipelas vulneri accedit, serpit, et nonnunquam per totam faciem usque ad oculos claudendos extendit.

Dum

Dum hæc symptomata adsint, margines vulneris tumidi fiunt, pallidi et flaccidi; adhæsiones, quas formâssent, solvunt, et a se retrahuntur; et vice puris bene concocti, faciem tenuem fecernunt. Pericranium subjacens coloris subfusci et ab offe disjunctum videtur; et si incidatur, ichor tenuis huic et offi interpositus invenietur; et os, colore naturali amisso, pallidum, albidum, et aridum, vel per totam superficiem, vel in punctis quibusdam, inspicietur.

Si tegumenta non divisa fuerint, vice aspectûs supradicti, tumor elasticus et circumscriptus, ad partem cui injuria admota fuit, observatur. Hoc inciso, pericranium et os in statu jam descripto inspicientur.

Inflammatiô diversis temporis spatiis oritur: aliquando non antequàm hebdomadæ plures elapsæ fuerint; nonnunquam quamprimùm apoplexiæ symptomata discefferint, supervenit. Plerumque tamen inter octavum et decimum sextum diem post injuriam receptam invadit; et per intervallum æger frequenter bene se habet.

De

De hoc morbo. prædictio, æquè circumspecta, ac de apoplexiâ traumaticâ, esse debet; nam de eventu, qui haud minùs fortasse lethalis est, dubitatio eadem adest. Nonnunquam post paucos dies vitam extinguit; aliquando progressus ejus tardior, sed eventus non minùs lethalis, est. Resolutione etiam, vel suppuratione, vel effusione, sicut in inflammationibus aliis contingit, finem habeat.

Quando symptomata inflammationis diu persistunt, aut ingravescent, suppuratio suspecta habeatur; quam aspectus vulneris et rigores frequentes præcipuè indicant: et si pus copiosè fecernatur symptomata varia oppressiois, ceu torporem, pulsum tardum, pupillas dilatas, &c. inducere potest. Secundum cl^m. POTT, vulnus a conditione sanâ mutatum, vel tumor elasticus, cum aliis suppurationis notis, pus inter os et duram matrem jacere denotant. Nulla, fortasse, observatio generalis majore fide digna est; haudquam verò tam certa, quàm ille putavit. Nam signa eadem, ut Dominus DEASE narrat, nonnunquam adsunt; membrana tamen contra

tra expectationem omninò sana est, et ubique ossi adhæret. Prætereà, notæ eædem suppurationem intra substantiam cerebri, vel inter piam et duram matrem, ac inter hanc membranam et os, æquè indicant: neque sub vulnus externum pus necessariè jacet.

Quando post cerebri inflammationem torpor, stupor et coma superveniunt; quando pulsus fit tardus, et pupillæ dilatæ sunt, et paralyfis, convulsiones, &c. accedunt, notis suppurationis absentibus, effusionem denotant.

RATIO MEDENDI INFLAMMATIONEM CEREBRI.

Post omnem capitis injuriam, signis inflammationis ullis etiam levissimis stipatam, summa cura tribuatur, et medela quàm maximè valens adhibeatur; alioquin postea frustrà sint. Detrahatur sanguis copiosè, et repetatur venæsectio tam frequenter, quàm symptomata requirant, vel vires ferant. Purgantia drastica administrantur; et breviter, remedium omnium, quæ ad inflammationem præcavendam,

præcavendam, vel tollendam apta sint, usus fit strenuus.

Attamen, si symptomata his consiliis haud leniantur, sed contrà in deterius tendant, et si terebratio cranii nondum perfecta fuit, nunc instituatur. Operatio proponitur, non tam ut inflammationi sublevet, quoniam huic videtur impar, quàm causam ullam, quæ cerebrum vel ejus membranas irritet, auferat. Talem causam adesse, quoniam symptomata remediis obfistunt, probabile est; et ad illam tollendam, solum remedium est terebratio. Reverà causa nulla nonnunquam inveniatur; aut si adsit, extra tractum terebræ sedeat; aut gravior sit, quàm instrumentum amovere valet; ideóque operatio supervacua esset: hoc tamen præsciri non potest; et eo consilio saltem puri, quod postea fortasse formari potest, daretur exitus.

Si symptomata suppurationem jam factam esse indicent, et operatio nondum instituta fuerit; statim incidatur tumor elasticus, et perforetur cranium; et puri præbeatur exitus; alioquin æger certæ morti occumbet. Dura

mater plerumque decolor, ex cranio sejuncta, et fanie glutinosâ foetidâque tecta, erit; sed non omninò. Si duræ matris aspectus, pus huic subjacere indicet, cultro dividatur. Operatione perfectâ, omne extraneum amoveatur, et curetur vulnus secundum artem.

Quando ex inflammatione effusio serosa producitur, fortasse exhauriri debet; sed si intus cerebri substantiam, vel intra ventriculos, liquor sedeat, nihil commodi ex operatione sperandum est. Medela autem huic affectui propria, potius sub apoplexiam hydrocephalicam, quàm hoc in loco, considerari debet.

Ad remedia solita inflammationis digitalis adjiciatur; quæ in omnibus stadiis, commodi haud parvi fortasse foret. Propter virtutes ejus bene notas, dum inflammatio persistet, ad vasorum sanguiferorum actionem minuendam; et postquam effusio, an serosa, an sanguinea, an purulenta, orta est, ut absorbeatur, fortasse conferat.

F I N I S.